



Lescha d'ustria

per la vischnaunca Lumnezia

Cuntegn

I.	Disposiziuns generalas	3
Art. 1	Object	3
Art. 2	Cumpetenza, execuziun	3
Art. 3	Equalitat dallas schlatteinas	3
II.	Lubientscha	3
Art. 4	Damonda	3
Art. 5	Premissas	4
Art. 6	Concessiun	4
Art. 7	Cuoz dalla lubientscha	4
Art. 8	Obligaziuns	4
Art. 9	Giuvensis	4
Art. 10	Engrondiments, transferiment, midada dalla specia	4
Art. 11	Commerci en detagl cun bubrondas destilladas	4
III.	Temps d'avertura	5
Art. 12	Temps d'avertura	5
Art. 13	Dis da ruaus	5
IV.	Taxas	5
Art. 14	Taxas da lubientscha	5
Art. 15	Taxas specialas	5
V.	Disposiziuns penalas, mieds legals	5
Art. 16	Controlla	5
Art. 17	Cuntravenziuns	5
Art. 18	Mieds legals	6
VI.	Disposiziuns finalas	6
Art. 19	Disposiziuns executivas	6
Art. 20	Disposiziuns transitorias	6
Art. 21	Vigur	6

Lescha d'ustria per la vischnaunca Lumnezia

dils 28 da fevrer 2016

La cuminanza dils votants all'urna,

sebasond sin art. 39, al. 1 lit. b dalla constituziun dalla vischnaunca Lumnezia dils 23 da settember 2012 sco era sin art. 26 dalla lescha d'ustria per il cantun Grischun dils 7 da zercladur 1998 (LU),
concluda

I. Disposiziuns generalas

Art. 1 Object

¹ Questa lescha regla las lubientschas, il temps d'avertura sco era las taxas per exequir activitads d'ustria ella vischnaunca cugl intent da mantener il ruaus public, igl uorden e la segirtad publica sco era per proteger la giuventetgna dil prighel da toxicomania.

Art. 2 Cumpetenza, execuziun

¹ La suprastonza communalia ei l'instanza cumpetenta per menaschis d'ustria. Ella conceda, mida e retrai la lubientscha tenor la LU.

² L'execuziun dalla legislaziun d'ustria cumpeta alla suprastonza communalia.

Art. 3 Equalidad dallas schlattineas

¹ Las indicaziuns davart las persunas, davart las funcziuns e davart las professiuns en questa lescha sereferechan ad omisduas schlattineas, aschinavon ch'ei resulta nuot auter ord il senn da questa lescha.

II. Lubientscha

Art. 4 Damonda

¹ La damonda per conceder ina lubientscha tenor art. 3 al. 1 LU ei d'inoltrar all'administraziun communalia silmeins 30 dis avon

- a) ch'arver ni surprender in menaschi d'ustria
- b) ch'organisar in'occurrenza sco ustries occasiunalas ni da fiasta cun intent commercial en in spazi public ni en in ambient privat serrau.

² La damonda ha da cuntener las suandontas indicaziuns:

- a) las persunalias e l'adressa dalla persuna per la quala la lubientscha duei vegnir emessa,
- b) l'indicaziun exacta dil menaschi ni dall'occurrenza,
- c) l'indicaziun exacta d'eventuals menaschis secundars,
- d) il cuoz giavischau dalla lubientscha.

³ Alla damonda per menaschis d'ustria ein d'aschuntar:

- a) in extract dil register penal,
- b) in mussament da buca haver counterfatg ils davos tschun onns repetidamein ni grevamein encunter la legislaziun da victualias federala u cantunala,
- c) la confirmaziun suftascreta cun agen maun tenor igl art. 5 al. 4 LU,
- d) la suprastonza communalia sa plinavon pretender in extract dil register da stumaziun.

⁴ Alla damonda per occurrentzas ei d'aschuntar la damonda per conceder ina lubentscha pil commerci en detagl cun bubrondas destilladas cun il formular ufficial, sch'ei vegn vendiu bubrondas destilladas (lubentscha tenor art. 12 ss. LU).

Art. 5 Premissas

¹ La lubentscha vala per in menaschi ni in'occurrenza specifica. La lubentscha vegn dada en scret ad ina persuna habla d'agir e cun ina buna reputaziun ch'ei responsabla per la gestiun dil menaschi ni per l'occurrenza.

Art. 6 Concessiun

¹ Aschilunsch che las premissas legalas ein ademplidas vegn la lubentscha concedida a scret alla persuna autorisada avon ch'arver ni surdar il menaschi ni avon ch'organisar l'occurrenza.

² Lubentschas vegnan concedidas mo per locals adattai ton ch'il menaschi caschuna buca disturbis insupportabels dil ruaus dalla notg pils vischins ni otras mulestas exageradas.

³ Adattai ein per regla menaschis che disponan da cundrezs, apparats sco era d'implonts sanitars che corrispundan allas pretensiuns sanitaras e higienicas.

Art. 7 Cuoz dalla lubentscha

¹ Cun resalva dad eventualas otras prescripziuns, ei la lubentscha per menaschis buca limitada.

² Ina lubentscha scada entras:

- a) la mort ni renunzia dalla persuna, alla quala igl ei vegniu dau la lubentscha,
- b) liquidaziun dil menaschi,
- c) la retratga dalla lubentscha.

³ La lubentscha per occurrentzas publicas ei limitada.

Art. 8 Obligaziuns

¹ Il possessur dalla lubentscha ei obligaus da proteger la giumentetgna, da mantener il ruaus public, igl uorden e la segirtad publica en ed ella vischinanza dil local ni dall'occurrenza. Ils organs cumpetents han, sche quei fa basegns, da sustener il possessur dalla lubentscha.

² La lubentscha sa vegnir colligiada cun pretensiuns, specialmein davart il dretg d'access, il cuoz da dimora dils giuvenils e la protecziun encunter la canera.

Art. 9 Giuvenils

¹ Igli ei scumandau:

- a) da distribuir bubrondas alcoholicas a giuvenils sut 16 onns ed a persunas alcoholisadas,
- b) da distribuir bubrondas destilladas ni bubrondas mischedadas a basa da bubrondas destilladas a giuvenils sut 18 onns,
- c) da dar access publicamein a bubrondas alcoholicas cun agid d'automats.

Art. 10 Engrondiments, transferiment, midada dalla specia

¹ Engrondiments considerabels ed il transferiment da menaschis sco era midadas dalla specia da menaschi basegnan ina lubentscha speciala.

² Per la damonda vala igl art. 4 al. 1 e 2 conform il senn.

Art. 11 Commerci en detagl cun bubrondas destilladas

¹ Damondas per conceder ina lubentscha pil commerci en detagl cun bubrondas destilladas ein d'inoltrar ad uras cun il formular ufficial all'administraziun communal per mauns digl uffeci cantunal per economia e turissem e quei avon ch'arver ni suprender in menaschi ni avon ch'organisar in'occurrenza.

III. Temps d'avertura

Art. 12 Temps d'avertura

- ¹ Ils menaschis d'ustria san fixar lor temps d'avertura sezs.
- ² Suenter las 22.00 uras eis ei dad evitar tutta canera che savess disturbare e caschunar mulestas, finiastras ed escha ein da tener serradas.
- ³ Aschilunsch ch'il manteniment dil ruaus dalla notg, digl uorden public e dalla segirtad publica pretenda, sa la suprastanza communal fixar temps d'avertura per singuls menaschis u per parts da menaschis.
- ⁴ Per occurrentzas publicas vegn il temps d'avertura fixaus pil singul cass.

Art. 13 Dis da ruaus

- ¹ Las prescripcziuns concernent ils dis da ruaus sedrezzan tenor la lescha cantunala davart ils dis da paus publics.

IV. Taxes

Art. 14 Taxes da lubentscha

- ¹ Per curclar ils cuosts administratifs vegnan incassadas las sequentas taxas per dar ina lubentscha nova ni per midar lubentschas existentes;
 - a) per menaschis d'ustria 100.00 francs tochen 800.00 francs,
 - b) per engrondiments, transferiments, midadas dalla specia da menaschi 50.00 francs tochen 500.00 francs,
 - c) per occurrentzas publicas 50.00 francs tochen 300.00 francs, denton ha mintga uniu ni instituziun senza intent da commerci cun domicil en vischnaunca il dretg sin ina lubentscha gratuita per onn.
- ² Per fixar las taxas ein da risguardar el singul cass adequatamein ils cuosts administratifs sco era igl interess e la producziun economica della persuna ch'ei obligada da pagar la taxa.

Art. 15 Taxes specialas

- ¹ Per ulteriuras funcziuns ufficialas sco controllas extraordinarias da singuls menaschis ni occurrentzas vegn ei incassau ils cuosts effectivs.

V. Disposiziuns penals, mieds legals

Art. 16 Controlla

- ¹ Per garantir l'execuziun da questa lescha ed oravontut il ruaus dalla notg sa la suprastanza communal engaschar tenor basegns in survetsch polizial da survigilonza.

Art. 17 Cuntravenziuns

- ¹ Cuntravenziuns e surpassaments da questa lescha, da disposiziuns executivas sco era encounter la lescha cantunala d'ustrias e las disposiziuns executivas da quella vegnan punidas dalla suprastanza communal cun in castitg da tochen 10'000.00 francs, aschilunsch ch'ei vegn buca applicadas disposiziuns penals dil dretg federal. Ageschan ils culponts ord engurdientscha ei la suprastanza communal buca ligiada vid la summa maximala da 10'000.00 francs.

- ² En cass levs tonscha in'admoniziun.

Art. 18 Mieds legals

¹ Encunter disposiziuns dalla suprastonza communal sin fundament dalla lescha cantunala ni da questa lescha communal sa vegnir recurriu en scret enteifer 30 dis dapi la communicaziun alla dertgira administrativa dil cantun Grischun.

VI. Disposiziuns finalas

Art. 19 Disposiziuns executivas

¹ La suprastonza communal sa relaschar disposiziuns executivas.

Art. 20 Disposiziuns transitorias

¹ Tuttas lubientschas ch'ein vegnidas dadas a menaschis avon l'entrada en vigur da quella lescha ein nunlimitadamein valeivlas, aschilunsch che la persuna autorisada meina vinavon il menaschi el medem rom.

² Proceduras pendentes il mument dall'entrada en vigur da questa lescha ein da tractar tenor il dretg niev.

Art. 21 Vigur

¹ Questa lescha entra en vigur cun l'approbaziun entras la cuminanza dils votants all'urna.

² Cun l'entrada en vigur da questa lescha ein las disposiziuns d'auters decrets che stattan en cuntradicziun cun ella abrogadas.

Approbau la lescha entras la cuminanza dils votants all'urna Lumnezia ils 28 da fevrer 2016.

Il president communal:

Duri Blumenthal

Igl actuar:

Marcus Cavegn

